



education

Department:
Education
REPUBLIC OF SOUTH AFRICA

NATIONAL SENIOR CERTIFICATE

KEREITE 12

SETSWANA PUO YA TLALELETSO YA NTLHA (FAL)

PAMPIRI YA BORARO (P3)

EXEMPLAR 2008

MADUO: 100

NAKO: 2½ DIURA

PAMPIRI E E NA LE DITSEBE DI LE 5.


DITAELO

1. Pampiri e, e arogantswe ka dikarolo di le THARO e leng A, B le C.
KAROLO YA A: Tlhamo (50)
KAROLO YA B: Ditlhangwa tse dileele tsa tirisano gammogo le ditlhangwa tse di dirisang mekgwa e e farologaneng ya tlhaeletsano (30)
KAROLO YA C: Ditlhangwa tse dikhutshwane tsa tirisano (20)
2. Baithuti ba tshwanetse go araba potso e le nngwe go tswa mo go KAROLO A, KAROLO B le KAROLO C.
3. Karolo nngwe le nngwe e simololwe mo tsebeng e ntšhwa mme kwa bokhutlong jwa karolo moithuti a thalele.
4. Tlogela mola mo magareng a dikarabo tsa gago.
5. Kwala sentle ka mokwalo o o buisegang.
6. Tlhokomela mopeleto le popego ya dipolelo.
7. Baithuti ba tla abelwa maduo a go dira lenaneo la thulaganyo le go baakanya tiro ya bona pele ba kwala.

KAROLO YA A**TLHAMO****POTSO 1**

Kwala tlhamo ya boleele jwa mafoko a a ka nnang 250 – 300 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo se neele setlhogo.

- 1.1 Sekaseka setshwantsho se se fa tlase, mme o tthagise se se diragalang mo malapeng a rona ka metlha fa re lebeletse thelebišene. Anela ka mabaka a a utlwalang.



[Mothopo, Fona Mabusela le ba bangwe]

[50]

KGOTSA

- 1.2 Leba ditshwantsho tse di fa tlase mme o ntshe maikutlo a gago mabapi le tsona.



[Setswana Tota, ME Serobatse le ba bangwe]


[50]

KGOTSA

- 1.3 E e mašwi ga e itsale. [50]

KGOTSA

- 1.4 Leba setshwantsho se se fa tlase, mme o tshalose dikotsi tse di ka tliswang ke go goga motsoko



[Monate wa Setswana, DS Matjila le ba bangwe]

[50]

KGOTSA

- 1.5 Puso e dira sentle ka go tlamela bana ka madi. Dumela kgotsa o ganetse setlhogo se. [50]

KGOTSA

- 1.6 Kwala mmuisano magareng ga moruti le modirelaloago mabapi le nyalano ya batho ba bong bo le bongwe. [50]

PALOGOTLHE YA KAROLO YA A: 50

KAROLO YA B

DITLHANGWA TSE DILEELE TSA TIRISANO

POTSO 2

Araba potso e le NNGWE fela mo karolong e. Karabo e nne boleele jwa mafoko a a ka nang 120 – 150.

- 2.1 O mogokgo wa sekolo. Kwalela batsadi **lekwalo** la semmuso o ba bolelele ka ga botlhokwa jwa go duela madi a sekolo. [30]

KGOTSA

- 2.2 O kopile tiro e o e boneng e phasaladitswe mo lokwalodikgang longwe, kwala **Lokwaloikitsiso** o lo romelele setlamo seo. [30]

KGOTSA

- 2.3 Kwalela Mookamedi wa Lefapha la Thuto **memorantamo** o mo go ona o ngongoregang ka ga go rutwa ka puo ya gae mo dikolong. [30]

KGOTSA

- 2.4 O leloko la mokgatlho wa bašwa wa kereke ya Lutere. Le le mokgatlho le tshwentswe ke tiriso e e botlhaswa ya nnotagi le diritibatsi ka bašwa ba motse wa lona. Kwala **pegelo** ka dingongorego tsa lona le se se ka dirwang. [30]

PALOGOTLHE YA KAROLO YA B: 30

KAROLO YA C

DITLHANGWA TSE DIKHUTSHWANE TSA TIRISANO

POTSO 3

Araba potso e le NNGWE fela mo karolong e. Karabo e nne boleele jwa mafoko a a ka nnang 80 – 100.

- 3.1 Ka o le moeteledipele wa lekgotla la baithuti, o kopilwe ke mogokgo go dira mmogo le barutabana-bagolo ba sekolo go tlhama melao e e tla latelwang ke baithuti fa go iwa motantshong wa materiki. Kwala **melao** eo. [20]

KGOTSA

- 3.2 Bomogoloo, jaaka fa o le gofejane ba go solofeditse moletlo o mogolo fa o ka falola ditlhatlhobo tsa materiki. Thala le go itirela **karata ya taletso** e o tla laletsang ditsala tsa gago go tla moletlong. [20]

KGOTSA

- 3.3 Rre rraago o batla go rekisa sejanaga. Mo thuse go kwala **phasalatso ya papatso** ya sejanaga seo go ngoka kgatlhego ya bareki. [20]

PALOGOTLHE YA KAROLO YA C: 20

PALOGOTLHE: 100